

肉

走

所

藏

江蘇古籍出版社

軒轅黃帝傳

廣黃帝本行記

通元真經注

軒轅黃帝傳

江蘇古籍出版社



四庫未收書提要

擘經室外集卷五

軒轅黃帝傳一卷提要

不著撰人名氏見錢曾讀書敏求記傳記類曾于是編之前載有廣黃帝本行記一卷亦無著書人姓氏案注中引劉恕外紀蜀檮杌等書蜀檮杌為張唐英所著則此卷當是南宋人手筆書中備載黃帝顛末及其子孫唐虞三代相承世數甚悉可補皇王大紀之闕

軒轅黃帝傳

軒轅黃帝姓公孫有熊國君少典之次子也

自周制五等諸侯後乃有公孫姓軒轅爲黃
帝長於姬水合以姬爲姓不知古史何據也
伏羲生少典少典生神農及黃帝襲帝位居
有熊之封焉有熊在河南新鄭縣

其母西橋氏女名附寶暝見大電光繞北斗樞

星照于郊野附寶感之而有娠以樞星降又名
天樞懷二十四月生軒轅於壽邛

壽邛地名在魯東門之外

帝生而神靈幼而狗齊弱而能言長而敦敏成
而聰明龍顏日角河目隆顙蒼色大肩始學於
項長於姬水帝年十五心慮無所不通乃受國
於有熊襲封君之地以制作軒冕乃號軒轅以

土德王曰黃帝

狗疾齊速也餘解見下文

得蒼龍辨乎東方

東者動也日出萬物乃動也東字從日穿木
以日出望之如穿扶桑之林木也日所出在
扶桑東數十萬里

得祝融辨乎南方

心星從火火在正南大明也融光明也主火
之官號祝融融字從南從午南求也求正對
爲明爲暗則南爲陽北爲陰也

得大封辨乎西方

鷄之明旦則望東身而居西也酉鷄也以小
入時名之酉半爲西也

得后土辨乎北方

北陰也背也故曰北征

帝娶西陵氏於大梁曰嫫祖爲元妃生二子元
囂昌意初喜天下之戴己也養正娛命自取安
而順之爲鴻黃之代以一民也時人未使而自
化未賞而自勸其心愉而不僞其事素而不飾
謂太清之始也耕者不侵畔漁者不爭岸抵市
不預價市不閉鄙商旅之人相讓以財外戶不

閉是謂大同帝理天下十五年憂念黎庶之不
理竭聰明進智力以營百姓具修德也考其功
德而務其法教時元妃西陵氏始養蠶爲絲
禮記皇后祭先蠶西陵氏葛稚川西京記曰
宮內有先蠶壇

乃有天老五聖以佐理化帝取伏羲氏之卦象
法而用之據神農所重六十四卦之義帝乃作

八卦之說謂之八索求其重卦之義也時有臣
曹胡造衣臣伯余造裳臣於則造履帝因之作
冠冕始代毛革之弊所謂黃帝垂衣裳而天下
理帝因以別尊卑令男女異處而居取法乾坤
天尊地卑之義

冠者則服之大名冕者則冠中之別名以其
後高而前下有俛仰之形因曰冠冕也

帝見浮葉方爲舟即有共鼓化狄二臣助作舟
楫所謂剡木爲舟剡木爲楫也蓋取諸渙渙散
也物大通也所以濟不通也帝又觀轉蓬之象
以作車時有神馬出生澤中因名澤馬一曰吉
光二曰吉良出大封國

大封國在亳州東古國也

文馬縞身朱鬣乘之壽千歲以聖人爲政應而

出

今飛龍司有吉良廐因此薛綜曰與騰黃一也所出之國各別葛稚川曰騰黃之馬吉光之獸則獸馬各異今據吉良即馬騰黃即獸稚川之說又別

又有騰黃之獸其色黃狀如狐背上有兩角龍翼出日本國壽二千歲

一本云龍翼□身一名乘若一名飛黃或曰
古黃又曰翠黃出日本國壽三千歲日行萬
里乘之令人壽二千歲六典宋齊梁陳皆有
車府乘黃之官今太僕寺有乘黃署即其事
黃帝得而乘之遂周游六合所謂乘八翼之龍
遊天下也故遷徙往來无常帝始教人乘馬有
臣胘作服牛以用之世本云所謂服牛乘馬引

重致遠以取諸隨得隨所宜也有臣黃雍父始
作舂所謂斷木爲杵掘地爲臼以濟萬人取諸
小過者過而通也帝作竈以著經始今鑄金造
甑乃蒸飯而烹粥以易茹毛飲血之弊有臣揮
始作弓臣夷年作矢所謂弦木爲弧剡木爲矢
也弧矢之利以威天下以取諸睽乖也制不順
也帝始作屋築宮室以避寒暑燥濕謂之宮宮

言處於中也所謂上棟下宇以待風雨取諸大壯大者壯也帝又令築城邑以居之始改巢居穴處之弊又重門擊柝以待暴客以取諸豫備不虞也又易古之衣薪葬以棺槨以取諸大過有服齋於中宮於洛水上坐元扈石室與容光等內觀忽有大鳥銜圖置於帝前帝再拜受之是鳥狀如鶴而雞頭燕喙龜頸龍形駢翼魚尾

體備五色三文成字首文曰慎德背文曰信義
膺文曰仁智天老曰是鳥麟前鹿後蛇頸背有
龍文足履正尾擊武九苞一口包命二心合度
三耳聰達四舌屈伸五采色備六冠短丹七距
銳鉤八音激揚九腹戶行一名鷗其雄曰鳳其
雌曰凰高五六尺朝鳴曰登晨晝鳴曰上祥夕
鳴曰歸昌昏鳴曰固常夜鳴曰保長皆應律呂

見則天下安寧黃帝曰是鳥遇亂則去居九夷
矣出於東方君子之國又出丹穴之山有臣沮
誦蒼頡觀鳥獸以作文字此文字之始也

先儒論文字之始不同或始於三皇或始於
伏羲或云與天地並興今據司馬遷班固韋
延吳秉傳元等云蒼頡黃帝臣今據此載之
諸家說蒼頡亦无定據